

本草匯卷十六目次

木部二

蘇方木

二百九十八

欒櫚皮

二百九十九

巴豆

三百巴霜
剛子附

大風子

三百一

相思子

三百二

桑白皮

三百三
榘葉枝
汁霜俱附兼附

木
槲

枳實

三百五

楮實

即穀實
三百四

枳殼

三百六

山梔子

三百七

酸棗仁

三百八

蕤仁

三百九

山茱萸

三百十

金櫻子

三百一十一

郁李仁

三百一十二

女貞實

三百一十三

五加皮

三百一十四

枸杞子

三百一十五

地骨皮

即枸杞根
三百一十六

石南葉

三百一十七

蔓荊子

三百一十八

紫荊皮

三百一十九

芙蓉花

三百二十
根葉附

山茶花

三百二十一

密蒙花

三百二十二

黃楊葉

三百二十三

白茯苓

三百二十四

赤茯苓

三百二十五

茯神

三百二十六
心中木附

琥珀

三百二十七

豬苓

三百二十八

雷丸

三百廿九

桑寄生

三百三十

竹葉

三百卅一

竹茹

三百卅二

竹瀝

三百卅三

天竹黃

三百卅四

荆瀝

三百卅五
葉根莖附

古欖板

三百卅六

震燒木

三百卅七

卷之三

卷之三

卷之三

卷之三

卷之三

卷之三

卷之三

卷之三

卷之三

卷之三

本草匯卷十六

山陰藥譜
寶藏書

吳門郊西郭佩蘭章宜纂輯

男 樹晦芬輝

姪 維均梅在 叅閱

紫藤陳陸坤白筆校訂

木部二

蘇木

二百九十八

甘辛酸鹹可升可降陽中陰也入手少陰

足太陰厥陰經入藥惟取中心煎酒專行積血女

資通月水產後敗血立除外科仗散腫癰跌撲死血

卽逐同防風散表裏風氣調乳香治口噤風邪按
蘇木乃三陰經血分藥也辛鹹消散兼有軟堅潤下
之功故能祛一切凝滯留結之血與防風同用能散
表裏風氣少用和血多用破血產後血虛腹痛者不
宜用產海島取中心文橫如紫角者細剉拌梅枝
蒸之陰乾用

欖櫚皮

二百九十九

苦瀉氣平吐血鼻洪腸毒病十全奇効

崩中帶下赤白痢一匕神功按欖櫚皮性瀉燒黑
止血有功然宜于去血過多內無瘀滯滑而不止者

用之切當。所謂澁可去脫也。與亂髮灰同用更良。若初發方熾者不宜遽用。年久敗者良。炒極黑存性。

巴豆

三百

性熱味辛。大毒。可升可降。陽中陽也。入手

太陰陽明太陽足太陰陽明經。蕩五藏滌六府。幾于煎腸刮胃。攻堅積。破滯癰。直可斬關奪門。氣血與食一攻而殆盡。痰蟲及水。傾倒而無遺。胎兒立爛。疔腫旋抽。按巴豆合六陽火氣而生。稟剛雄猛烈之性。乃斬將奪門之將。氣血未衰。寒積堅固有形者。誠有神功。與大黃同爲攻下之劑。但大黃性冷。腑病多熱。

者宜之。巴豆性熱，臟病多寒者宜之。

巴豆入腹如火，斯須暴下，斬關

奪門，無往不利。世徒知其能下之急，不知熱毒之性，但可對待陰寒。若木土金水不及，縱有可下之證，且之，則木愈抑而脹，土愈陷而廢，金愈燥而炎，水愈涸而結矣。故凡萬物合太陽火氣而生者，皆有毒，當斟酌之。故仲景治傷寒傳裏多熱者，多用大黃、東垣治

五積、傷臟者，多用巴豆。世俗不明此義，行針以大黃爲王道之藥，以巴豆爲劫霸之劑，不亦謬乎？若急治爲水穀道路之劑，去皮心膜油生用，若緩治爲消堅磨積之劑，炒令紫黑用，如炒至烟將盡，可以止瀉，可以通腸，用之合宜，効如桴鼓。此王海藏能發千古之

秘奧也。然必審定脾胃。果然久傷積冷凝滯。脉沉而滑。卽王太僕所謂大寒凝內。久利溏瀉。愈而復發。綿歷歲年者。法當以熱下之。則寒去利止。宜用蠟置巴豆丸。不瀉而愈。苟用之不當。則犯損陰之戒矣。今人每每輕用。試以少許。沾之肌膚。須臾發泡灼爛。况腸胃柔脆之質。無論下後耗損真陰。卽府藏被其薰灼。能無潰爛之患耶。卽不得已急證。欲借其開通道路之力。亦須炒熟。壓令油極淨。入分許。卽止。若投之老羸衰弱之人。禍不旋踵。入丸散中。去皮心膜。換水

煑五度各一沸。搗如膏。用紙包壓去油。名爲巴霜。緊
小色黃者爲巴。三稜色黑者爲豆。小而兩頭尖者爲
剛子。其力更猛。燒殼存性。能止瀉痢。生猛熟緩。生溫
熟寒。不去膜則傷胃。不去心則作嘔。以沉香木浸。則
能升能降。與大黃同用。瀉人反緩。爲其性相畏也。荒
花爲之使。反牽牛。畏大黃。黃連。蘆筍。冷水。中其毒者。
以此解之。

大風子

三百一

辛熱有毒。氣薄味厚。陽中之陰也。入足

厥陰經。瘋癰疥癩。賴以平復。楊梅惡毒。得此可掃。

按大風子屬金有火有殺蟲劫毒之功然性熱能燥
痰傷血用之外塗其功不可沒也疥癬不愈同樟腦
水銀油胡桃合搗如泥揩擦有驗取油法用子三

斤去殼及黃油者研極爛瓷器盛之封口入滾湯中
蓋鍋密封勿令透氣文武火煎至黑色如膏名大風
油可以和藥若入丸藥去油白色者佳黃油者不
入藥

相思子

三百

苦平有毒吐風痰瘴瘧殺腹臟蟲毒

按相思子大如小豆半紅半黑今誤爲赤小豆善吐

人宜辨產嶺南彼人以欒首飾用收龍腦香不耗

桑白皮

三百

甘辛苦寒甘厚而辛薄可升可降陽中

陰也入手太陰經瀉肺金之有餘逐水定喘

氣餘為火是辛

以瀉之也然肺中有水則傷濕而生痰痰生熱而傷肺是以咳嗽吐血熱渴勞傷之候作矣今言逐水氣正所以瀉火邪也濕熱生痰嗽而傷肺此疏小腸之為要藥若勞極之嗽又當潤肺補肺之劑閉滯降氣寬膨止渴消燥痰定咳嗽吐血甘助元氣

辛瀉火邪

桑皮瀉肺是瀉肺中火邪非瀉肺氣也火去則氣得安矣

遇刀刃傷作

線縫用熱鷄血塗即合本經言傷中者中氣傷也五

勞者五藏勞傷也六極者六府之中氣極也羸瘦者

肌肉脫也。崩中者。血脫也。脉絕者。氣血兩虛之至。故脉不來也。之數者。皆由陰不足。則陽有餘。陽有餘。則火盛而內熱。火與元氣不兩立。惟甘可以補元。惟寒可以除熱。熱去而元氣自生。諸證悉退。按桑白皮

西方之藥也。甘能固元氣之不足。辛以瀉肺氣之有

餘。

性不馴良。不宜多用。

時珍言其長于利水者。乃實則瀉其

也。故肺中有水氣。及肺火有餘者。皆宜之。

十劑云。燥可去濕。桑

白皮赤小豆之屬是矣。

錢乙治肺熱欬喘面腫身熱瀉白散。用

桑皮炒一兩。地骨皮焙一兩。甘草炒半兩。每服一二

錢入粳米百粒食後煎服蓋桑皮地骨皆能瀉火從
小便去甘草瀉火而緩中粳米清肺而養血此乃瀉
肺諸方之準繩也古稱補氣者非若參耆之正補乃
瀉邪所以補正也愚者信爲補劑而肺虛亦用之大
失桑皮之面目矣若肺虛無火而小便利者及因風
寒而嗽者不宜用也子名桑椹桑之精華所結也味
甘微涼爲涼血補陰之劑止渴生精瀉小腸熱脾胃
虛滑者勿服桑葉手足陽明之藥家者甘煖經霜者
去風明目止渴長髮

桑葉麻葉煮泔水沐
之七次可長徑尺

垂露桑葉

焙研空心飲服止遍身盜汗煮湯淋渌手足去風痺

殊勝眼目青盲古方用青桑葉焙乾逐月按日就地

燒存性每用一合于瓷器內煎減二分澄清溫洗至

百度有驗

正月初八二月初四三月初六四月初四五月初六六月初二七月初七八月二十

九月初二十月十三十一月三十風眼下淚用臘月不落桑葉

煎湯日日洗自効赤眼澁痛桑葉爲末紙卷燒烟熏

鼻取効海上方也桑枝不冷不熱治四肢拘攣祛風

癢乾燥凡煎藥用此者亦取其能利關節除風寒濕

痺諸痛也紫白癰風用枝十斤益母草三斤煎膏臥

時酒服久久自効。枝瀝治大風瘡疥生眉髮皮中白
汗主小兒口瘡及鵞口舌上生瘡傳之神効又塗刀
傷燥疼須臾血止仍以白皮裹之桑霜卽灰汁以桑
皮綿紙襯淘羅底用滾水淋下瓷器盛之重湯煮乾
別名木碗能鑽筋透骨爲傳癰疽拔疔引諸藥散毒
之要品取家園東行嫩根銅刀刮去青黃薄皮勿
去涎蜜炙用出土上者有毒續斷桂心麻子爲之使
楮實卽穀實三百四甘寒味厚氣薄陰也降也入足太陰經
益腎助陽療腫去水健腰膝壯筋骨按楮實本草

載其功用大補益人而修真秘旨言久服令人成骨
軟之痿。煎濟生秘覽治骨哽用楮實煎湯飲之。豈非
軟骨之徵乎。雖能消水健脾。然脾胃虛者勿服。水
浸三日。投水浮者去之。晒乾。酒浸一伏時。蒸之焙用。
枳實三百苦酸寒。氣厚味薄。沉也。陰也。入足陽明太
陰經。破積有雷厲風行之勢。瀉痰有衝墜倒壁之威。
解傷寒結胸。治痞痛熱結。別錄主除胸脇痰癖。逐停
水。破結實。消脹滿。心下急痞痛。逆氣脇痛。安胃氣止
澉瀉者。皆足陽明太陰受病。二經氣滯。則不能運化。